




ეკონომიკური ზრდის ტემპი

III კვარტალი, 2021 წელი

პარლამენტის საბიუჯეტო ოფისის შეფასებით, 2021 წლის III კვარტალში რეალური მშპ-ის ზრდის ტემპი დადებითი იქნება და 8.7% დაფიქსირდება. აღსანიშნავია, რომ რეალური მშპ-ს აღნიშნული სიდიდე 2.7%-ით აღემატება 2019 წლის შესაბამის მაჩვენებელს. მშპ-ის მოსალოდნელი ზრდა განპირობებულია 2021 წლის განმავლობაში გაუმჯობესებული ეკონომიკური მდგომარეობით და ე.წ. 2020 წლის მესამე კვარტალში ეკონომიკის შემცირების საბაზისო ეფექტით, რომელიც COVID-19 პანდემიით იქნა გამოწვეული, თუმცა 2021 წლის მეორე კვარტალთან შედარებით დაბალი ზრდის ტემპი განპირობებულია განსხვავებული საბაზისო ეფექტით (2020 წლის მეორე კვარტალში ეკონომიკა შემცირდა 13.2%-ით, ხოლო მესამე კვარტალში მხოლოდ 5.6%-ით) და აგრეთვე, III კვარტალში COVID-19 პანდემიის გაუარესებული მდგომარეობით. ვაქცინაციის პროცესის და სხვადასხვა ტიპის შეზღუდვების პარალელურად, ასევე მნიშვნელოვანია საგარეო ვაჭრობის ტემპის გამოცოცხლება.

აღნიშნული პროგნოზი ემყარება დაშვებებს, რომ 2020 წლის მესამე კვარტალთან შედარებით:


- ⇒ ტურიზმის მოცულობა დაახლოებით 5.5-ჯერ გაიზრდება, (2019 წლის მაჩვენებელთან შედარებით დაახლოებით 3.6-ჯერ ნაკლები). ამავე დროს უმნიშვნელოდ გაიზრდება ქვეყნიდან გასული ტურისტების რიცხოვნობაც.
- ⇒ ტურიზმის ექსპორტის მნიშვნელოვან ზრდასთან ერთად კვლავ შენარჩუნდება შიდა ტურიზმის აქტივობა.
- ⇒ გაიზრდება როგორც კერძო, ისე მთავრობის მოხმარების მოცულობა.
- ⇒ გაიზრდება კერძო ინვესტიციები, რაც მოხმარებასთან ერთად განაპირობებს ეკონომიკური აქტივობის აღნიშნულ დადებით ტემპს.



*პროგნოზის ინტერვალი აღნიშნავს 50%-იან ალბათობას, რომ მშპ-ის ზრდის ტემპი მოცემულ ზღვრებს შორის იქნება.

- ⇒ მომსახურებით ვაჭრობის მკვეთრი ზრდის პარალელურად, მოსალოდნელია საქონლით ვაჭრობის მნიშვნელოვანი ზრდაც.
- ⇒ გაზრდილი მოხმარების და ინვესტიციების პარალელურად მოსალოდნელია, რომ მნიშვნელოვნად გაიზრდება საქონლის იმპორტის რაოდენობაც.
- ⇒ გლობალური ეკონომიკის გაჯანსაღების ფონზე მოსალოდნელია, რომ გაიზრდება ექსპორტზე მოთხოვნა და შესაბამისად, გაიზრდება საქონლის ექსპორტის მოცულობაც.

აღნიშნული დაშვებების რაოდენობრივი შეფასების შედეგად მოსალოდნელია, რომ ექსპორტის მოცულობა უფრო მეტად გაიზრდება, ვიდრე იმპორტი და წმინდა ექსპორტის კომპონენტი 2.6%-ული პუნქტით განსაზღვრავს ეკონომიკური აქტივობის ცვლილებას, ხოლო აბსორბციის (მოხმარების და ინვესტიციების ჯამი) კომპონენტი მნიშვნელოვნად გაიზრდება და მშპ-ს ცვლილებას 6.1%-ული პუნქტით განაპირობებს*.



*2021 წლის III კვარტლის მშპ-ს ზრდის დეკომპოზიცია. საბიუჯეტო ოფისის შეფასება.

დამატებითი ინფორმაცია:

- [წლიური მაკროეკონომიკური პროგნოზები](#)
- [განმარტება მაკროეკონომიკური პროგნოზების მოდელის შესახებ](#)



საქართველოს პარლამენტის საბიუჯეტო ოფისი

WWW.PBO.PARLIAMENT.GE